



Broj: 08-02-07/2-11-2-919-12/25

Dana: 6.8.2025. godine

Na osnovu člana 70. stav (1), (4) i (6), a u vezi sa članom 69. stav (3) Zakona o javnim nabavkama ("Službeni glasnik BiH", broj: 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavke iz Zapisnika o pregledu i ocjeni ponuda broj: 08-02-07/2-11-2-919-11/25 od 17.7.2025. godine, u postupku javne nabavke usluge servisiranja kopir aparata i printera, policijski komesar Uprave policije Ministarstva unutrašnjih poslova Zeničko-dobojskog kantona, d o n o s i:

O D L U K U

o poništenju postupka javne nabavke

Član 1.

U skladu sa članom 69. stav (3) Zakona o javnim nabavkama ("Službeni glasnik BiH", broj: 39/14, 59/22 i 50/24), poništava se postupak javne nabavke za "LOT 1: Sukcesivna nabavka usluga servisiranja, popravke i održavanja kopir aparata marke Toshiba, LOT 2: Sukcesivna nabavka usluga servisiranja, popravke i održavanja kopir aparata marke Canon, LOT 3: Sukcesivna nabavka usluga servisiranja, popravke i održavanja printera", iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Za izvršenje ove Odluke zadužuje se i ovlašćuje Sektor za materijalno-finansijske poslove.

Član 3.

Ova Odluka objaviće se na web-stranici ugovornog organa (www.mupzdk.gov.ba), u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-02-07/2-11-2-919-1/25 od 15.4.2025. godine.

Javna nabavka provedena je putem konkurentskog zahtjeva za dostavu ponuda.

Procijenjena vrijednost nabavke iznosila je (bez PDV-a): LOT 1 + LOT 2 + LOT 3 = 20.000,00 KM (LOT 1: 13.000,00 KM, LOT 2: 2.500,00 KM, LOT 3: 4.500,00 KM).

Obavještenje o nabavci broj: 30099-7-2-28-3-58/25, poslano je na objavu dana 25.4.2025.g. u 15,14 sati, a sažetak istog objavljen je dana 9.5.2025. godine u "Službenom glasniku BiH", broj 27/25.

Komisija za javnu nabavku imenovana je Rješenjem broj: 08-02-07/2-11-2-919-3/25 od 28.4.2025. godine.

Komisija za javnu nabavku sačinila je Zapisnik o prijemu ponuda broj: 08-02-07/2-11-2-919-6/25 od 19.5.2025. godine, Zapisnik sa otvaranja ponuda broj: 08-02-07/2-11-2-919-6/25 od 19.5.2025. godine, i Zapisnik o pregledu i ocjeni ponuda broj: 08-02-07/2-11-2-919-11/25 od 17.7.2025.

godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno sljedeće:

Nakon ončanja procedure javnog otvaranja ponuda, utvrđeno je da su se na predmetno javno nadmetanje prijavila 2 (dva) ponuđača, NEW TONER PRINT d.o.o. Zenica i ALFOM d.o.o. Banja Luka.

Uvidom u ponudu ponuđača ALFOM d.o.o. Banja Luka, utvrđeno je da je ista neprihvatljiva, jer je u ponudi naveden period važenja ponude kraći od traženog. Naime, tačkom 23. tenderske dokumentacije tražen je period važenja ponude 180 dana, a ponuđač ALF-OM d.o.o. Banja Luka je u ponudi za LOT 1, LOT 2 i LOT 3 naveo period važenja ponuda 120 dana.

Uvidom u ponudu ponuđača NEW TONER PRINT d.o.o. Zenica utvrđeno je da su ponuđene cijene nerealno visoke u odnosu na tržište. Npr. ponuđena je cijena norma sata u iznosu od 1.000,00 KM, dok ista kod neprihvatljive ponude ponuđača ALFOM d.o.o. Banja Luka iznosi 60,00 KM, što je realna cijena za pomenutu vrstu usluge, imajući u vidu dosadašnju praksu kod pružanja predmetnih usluga.

Dalje, ponuđene su enormno visoke cijene dijelova, tako da dijelovi koštaju više nego što koštaju novi uređaji, npr. ponuđena je cijena bubnja u iznosu od 1.400,00 KM, dok ponuđena cijena kod ponuđača ALFOM d.o.o. Banja Luka iznosi 94,19 KM.

Pretpostavljamo da je ponuđač NEW TONER PRINT d.o.o. Zenica cijene formirao do procijenjene vrijednosti. Međutim, pomenuti ponuđač NEW TONER PRINT d.o.o. Zenica je također kao najpovoljniji ponuđač odabran kod Ministarstva unutrašnjih poslova Zeničko-dobojskog kantona, sa prihvatljivim cijenama, ali koje su ostvarene nakon provedene e-Aukcije, za čije se provođenje u ovom postupku nabavke nisu stekli uslovi.

Ponuđaču NEW TONER PRINT d.o.o. Zenica, dana 25.6.2025. godine upućen je pismeni akt broj: 08-02-07/2-11-2-919- 8/25, kojim je traženo da pojasni cijene date u svojoj ponudi, a vezano za neprirodno visoku cijenu norma sata, u kojoj je ponuđena cijena od 500,00 KM za jedan norma sat, odnosno 1.000,00 KM bez PDV-a.

Pomenuti ponuđač je svojim aktom od 27.6.2025. godine dostavio pojašnjenje, u kojem navodi da se radi o cijenama koje su date prije e-Aukcije i koje su pripremljene za proces provođenja e-Aukcije, koje će nakon toga biti izrazito snižene, te da će tek tada biti izražena stvarna cijena. Također, ističe da je učestvovao i u javnoj nabavci kod Ministarstva unutrašnjih poslova Zeničko-dobojskog kantona, te da su nakon provođenja e-Aukcije cijene znatno snižene, odnosno za 93,97%. Nadalje, ističe da su cijene ponuđača ALF-OM Banja Luka znatno niže za LOT 1 i LOT 3 u odnosu na ukupno procijenjenu vrijednost predmetnih nabavki. Na kraju ističe da su njegove cijene realne, te da će proces e-Aukcije dovesti do značajnog sniženja cijena, norma sata i dijelova, da će iste na kraju biti izuzetno rentabilne i finansijski opravdane za ugovorni organ.

S obzirom na sve navedeno ovaj ugovorni organ je zauzeo stav da se u predmetnom postupku javne nabavke radi o izuzetno visokim cijenama usluga za norma sat, ponuđenim od strane ponuđača NEW TONER PRINT d.o.o. Zenica, gdje bi potpisivanje ugovora prema ponuđenim cijenama predstavljalo štetan ugovor.

Potpisivanje ugovora sa ponuđačem NEW TONER PRINT d.o.o. Zenica dovelo bi do direktnog nanošenja štete budžetu Zeničko-dobojskog kantona, gdje bi se za nekoliko sati usluge servisiranja utrošila procijenjena vrijednost nabavke, na što ovaj ugovorni organ ne može pristati. Shodno članu 3. Zakona o javnim nabavkama ("Službeni glasnik BiH", broj: 39/14, 59/22 i 50/24) kao opšti i obavezujući princip provođenja postupka javne nabavke normirana je zaštita javnih sredstava s ciljem najefikasnijeg korištenja istih, a potpisivanjem ugovora sa ponuđenim cijenama isti bi bio očigledno narušen i povrijeđen.

U skladu sa navedenim odlučeno je kao u dispozitivu ove Odluke.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta

zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o poništenju.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za mat.-fin.poslove, 1x.-
3. Spis, 1x.-

**POLICIJSKI KOMESAR
GENERALNI INSPEKTOR POLICIJE**

Admir Gazic

